

Дублиндаги уйсизларга ғамхұрлық қилаётган аёллар



10:37 / 28.03.2021 1506

Февраль ойининг жума куни Дублин шаҳрининг «Принсес стреет» кўчаси шимолида, ирландиялик мусулмон аёл Лорраине Коннор почта бўлимининг кириш эшиги ташқарисида столларни ўрнатиб турган бир гуруҳ аёлларга озиқ-овқат маҳсулотларини топширган.

«Эйре мусулмон опа-сингиллар» ошхонасида Лорраине Коннор қарийб етти йилдан бери тинимсиз меҳнат қилиб келмоқда. Ушбу ҳафтада уларда тарқатиш учун 470 та иссиқ овқат, мева, пишлок, печенье, нон, газланган ичимликлар ва шириналар бор.

ГПО ташқарисида аллақачон 50 га яқин одам тўпланиб, кечки овқат пакетларини олишни сабрсизлик билан кутишмоқда. Муҳтожлардан ташқари улар орасида ёлғиз эркаклар, ёш оиласалар, кўп фарзандли оиласалар бор.

Кечги соат 18:15 дан столлар ортида саф тортган аёллар навбатма-навбат озиқ-овқат тарқатишни бошлайдилар. Коннор ҳам келган одамларни ҳар бир ҳаракатини дикқат билан кузатади: «Мен меҳрибон она товуқга ўхшайман», дейди «Irish Times» газетасига берган интервюсида.

Жон Хенесси қўнгилли ёрдамчи бўлиб ишлайди ва келган одамларга дезинфекция воситаси ҳамда ниқоб тарқатишда ёрдам беради.

«Дублиннинг қаерига борманг, кимдир чодирда, кимдир эски сумкага ўралиб ухлаб ётганини топасиз. Аммо уларни қийнайдиган масала- бу очлик» дейди у.

Мусулмон опа-сингиллар биринчи марта тўққиз йил олдин «Merchant's House Quay» уйсизларга хайрия тарқатиш ташкилотида ишларини бошлишган. Коннор ҳижобли аёллар ошхонадан озиқ-овқатга тўла идишлар билан чиққанида одамларнинг юзидаги ҳайрон қолишиларни ҳали ҳамон эслайди. «Улар бизни роҳибалар деб ўйлашди ва биз қандай буйруқ асосида келганимизни сўрашди. Улар ҳайрон бўлишди ва бизнинг ким эканлигимизни билишни исташди. Бизга нисбатан ҳеч қандай таъзиқ бўлмаган», дейди Коннор ўз интервьюсида.

Бир неча йил давомида шаҳар марказида озиқ-овқат маҳсулотларини тарқатишдан сўнг, Коннор 2014 йилда О-Коннелл кўчасида «жума оқшоми» уйсизларга ёрдам хайриясини бошлиганд. Биринчи кечада одамлар жуда бегонасирашган эди, деб тан олади Коннор.

«Бошида ҳижобли аёлларга ишончлари комил бўлмаган одамлар кўп эди. Аммо мен уларга асли шимолдан эканлигимни айтганимда ишонч пайдо бўлди. Албатта, бу бир кечада содир бўлмади, аммо энди улар бизга катта ишонч билдиришмоқда» дейди Коннор.

Шунингдек, хайрия гурӯҳи Дублиннинг Гранд Канал бўйидаги чодирларда яшовчиларга одамларга озиқ-овқат ва иссиқ чой тарқатишни давом эттиришмоқда ҳамда пандемия пайтида ёш болали оиласарга тўғридан-тўғри етказиб берилди.

«Эйре мусулмон опа-сингиллар» хайрия фондининг мақсади жамиятнинг энг заиф одамларини қўллаб-қувватлаш, балки мусулмон аёлларга нисбатан олдиндан қабул қилинган тушунчаларни йўқ қилишdir. Хайрияning асосий мақсади эски тушунчаларни йўқотиш ва одамларга мусулмон аёллари зулм қилмасликларини кўрсатиш, улар ҳам Ирландия жамиятининг бир қисми эканлигини тушунтириш. Сўнгги 15 йил ичida Ирландия жамиятидаги «фарқ»га муносабат кескин ўзгарди. Биз одамлардан кўпроқ ишончни кўрдик. Ирландиядаги мусулмон аёлларнинг ҳолати 15 йил аввалгидан анча яхши. Ҳамма миллатлар билан ҳар доим ирқий муаммолар бўлади, аммо бу масалалар аста-секин ечилмоқда» дейди Коннор.

Хайрия раҳбари ўз интервьюсида: «Барчамиз жуда кўп тўсиқларга дуч келдик. Бу фақат сўнгги уч йил ичида Ирландия жамиятида ҳақиқатан ҳам ўзгаришлар бўлганини кўрсатмоқда. Бизни кўпроқ қабул қилишларини кўрдик. Бу аёлларнинг қатъиятлилиги ва улар қилган ишларига бўлган муҳаббати. Одамларга ўзларини қандай бўлса шундай қабул қилишга мажбур қилиш уларнинг қатъиятидир. Биз нима қилаётган бўлсак — бу нафақат хайрихоҳлик ишораси, балки одамларга бизнинг мусулмон эканлигимизни ва биз ҳам ҳудди бошқалар каби эканлигимизни билдиради».

Таржимон: Мунира Баҳодиржон қизи